



Page: 5

Reach: 50000

Country: BOSNIA AND HERZEGOVINA

Size: 183 cm2

1 / 1

Kenan Kršo osumnjičen da je počinio krivično djelo terorizma

Ekstremista uhapšen pa pušten

U januaru izazvao incident u džamiji na Breki, na Bašćaršiji nosio majicu s obilježjem IS-a

Policijski službenici Državne agencije za istrage i zaštitu (SIPA) jučer ujutro na području Sarajeva uhapsili su Kenana Kršu (1976.), koji se sumnjiči da je počinio krivično djelo terorizma, saopćeno je iz ove pravosudne institucije.

Po naredbi Suda i Tužilaštva BiH, pretresen je stambeni objekt koji koristi Kršo, nakon čega je pronađeno i privremeno oduzeto vatreno oružje bez odgovarajuće dokumentacije. Nakon saslušanja, Kršo je jučer pušten na slobodu.


- Navedena osoba sumnjiči se da je učestvovala u određenim aktivnostima koje se mogu dovesti u vezu s terorizmom - saopćeno je iz SIPA-e.

Iz Tužilaštva tvrde da je

Kršo u proteklom periodu, koristeći znakove i obilježja Islamske države (IS), koju je Vijeće sigurnosti proglasilo terorističkom organizacijom, u više navrata činio incidente i ugrožavao sigurnost na području Sarajeva.

- Tužilaštvo BiH i policijske i sigurnosne agencije došli su do saznanja da je ovaj osumnjičeni kraći period boravio na području Sirije te da ostvaruje kontakte s osobama pripadnicima tzv. vehabijskog pokreta iz BiH, koje se kao pripadnici IS-a i paravojnih formacija bore na ratištima u Siriji i Iraku, što je državljanima BiH zakonom zabranjeno - kažu iz Tužilaštva.

Kršo je prije dva mjeseca na Bašćaršiji izazvao incident kada se pojavio u



majici s obilježjima IS-a, nakon čega su ga sankcionirali pripadnici MUP-a KS. Krajem januara za vrijeme džuma-namaza u

džamiji na Breki verbalno je napao imama Muhameda Velića. Nekoliko dana kasnije predao se sarajevskoj policiji. **M.Aš.**